

PRIJEDLOG

Na osnovu člana 1. Zakona o dopunama Zakona o koncesijama („Službene novine Federacije BiH „ , broj 61/06), i članova 8. i 56. Zakona o principima lokalne samouprave (Službene novine Federacije BiH broj 49/06) i člana 18. Statuta općine Maglaj („ Službene novine općine Maglaj“, broj 6/25), u postupku dodjele koncesije, koji se vodi po zahtjevu BBM d.o.o Sarajevo, Općinsko vijeće Općine Maglaj, na sjednici održanoj dana _____ 2026. godine, d o n o s i

O D L U K U

o odbijanju izdavanja prethodne saglasnosti za dodjelu koncesije za eksploataciju uglja na lokalitetu Brezove Dane općina Maglaj

Član 1.

Ovom Odlukom odbija se davanje prethodne saglasnosti za dodjelu koncesije za eksploataciju uglja na lokalitetu Brezove Dane općina Maglaj.

Član 2.

Saglasnost se odbija iz razloga što Mjesne zajednice sa područja općine Maglaj koje gravitiraju lokalitetu za eksploataciju uglja Brezove Dane, i to MZ Brezove Dane - Domislica, MZ Kopice, MZ Čobe i MZ Novi Šeher, nakon održanog Zbora građana navedenih mjesnih zajednica, isti su donijeli odluke da se protive dodjeli koncesije za eksploataciju uglja na lokalitetu Brezove Dane općina Magla iz razloga što bi takve aktivnosti mogle negativno uticati na kvalitet života stanovništva ovih mjesnih zajednica.

Član 3.

Ova odluka stupa na snagu danom donošenja i ima se objaviti u „Službenim novinama Općine Maglaj“.

Broj:

Datum:

2026.godine

PREDSJEDAVAJUĆA

Aida Bašić

Obrazloženje

BBM d.o.o. Sarajevo je aktom broj: 1400/25 od 12.11.2025. godin, zatim aktom broj 1483/25 od 05.12.2025.godine kao i aktom broj 438-1/26 od 23.04.2026.godine, obratio se Općini Maglaj, kako bi se prema Općinskom vijeću mogao uputiti njihov zahtjev za dobijanje saglasnosti za dodjelu koncesije uglja na lokalitetu Brezove Dane, nakon skoro 15 godina od podnošenja prvog njihovog zahtjeva, a sve u skladu sa članom 1. Zakona o dopunama Zakona o koncesijama („Službene novine Federacije BiH“ broj 61/06) i članom 8. Zakona o koncesijama (Prečišćen tekst)(„Službene novine ZE-DO Kantona“ broj 5/03).

U zahtjevu su naveli je BBM d.o.o. Sarajevo, Društvo u vlasništvu stranog investitora i da već 15 godina nastoji da pokrene projekat eksploatacije uglja na lokalitetu Brezove Dane općina Magla.

Dalje su naveli da bi kao budući koncesionar vršili otkopavanje i eventualno suho klasiranje, te ne bi bilo bojazni o onečišćavanju voda, te da su spremni da učestvuju u izgradnji infrastrukturnih projekata na području nakon što se pokrene eksploatacija uglja.

Općinsko vijeće lokalne zajednice na čijem se području dodjeljuje koncesija po zakonskim odredbama daje prethodnu saglasnost za provođenje postupka dodjele određene koncesije. Stoga je neophodna saglasnost Općinskog vijeća na mogućnost dodjele koncesije za eksploataciju mineralnog resursa uglja na lokalitetu Brezove Dane, općina Maglaj.

Služba za urbanizam, geodetske i imovinsko pravne poslove, je aktom broj 05-45-1-957-1/26 od 21.05.2026.godine za isto dala mišljenje na osnovu Planske dokumentacije.

STANJE PREMA PLANSKOJ DOKUMENTACIJI, KATASTRU I ZEMLJIŠNOJ KNJIZI:

Lokacijski predmetno zemljište se nalazi u naselju Brezove Dane.

Uvidom u Prostorno plansku dokumenataciju utvrđeno je, da se zemljište na kojem bi se vršila eksploatacija uglja nalazi u okviru urbanog područja Brezove Dane, koji čini sastavni dio Prostornog plana opštine Maglaj (Službeni Glasnik opštine Maglaj "broj 2/90 i 1/13).

Uvidom u grafički prikaz Projekcije prostornog uređenja lokaliteta mineralnog resursa uglja označen kao područje od značaja za općinu Maglaj.

Općina Maglaj je dopis broj 438-1/26 od 23.04.2026.godine od BBM d.o.o. Sarajevo, dostavila Mjesnim zajednicama koje gravitiraju lokalitetu za koje je BBM d.o.o. podnio zahtjev za eksploataciju uglja i to Mjesnoj zajednici Čobe, Kopice, Brezove Dane - Domislica i Novi Šeher, da daju svoj stav i mišljenje vezano za njihov zahtjev.

Isti su u Općinu Maglaj dostavili svoje odgovore i to Mjesna zajednica Brezove Dane gdje u odgovoru broj 5-11/26 od 11.05.2026.godine navode da su dana 10.05.2026.godine održali Zbor građana MZ Brezove Dane – Domislica, gdje su jednoglasno donijeli zaključak da nisu saglasni sa dodjelom koncesije uglja na navedenom lokalitetu. Takođe su naveli da građani izražavaju zabrinutost zbog mogućih negativnih posljedica po životnu sredinu, kvalitet života stanovništva, poljoprivredno zemljište i ukupne uslove života na području mjesne zajednice, te da ne podržavaju dodjelu koncesije za eksploataciju uglja na lokalitetu Brezove Dane.

Mjesna zajednica Kopice je svojim dopisom broj 19-04-2-2026 od 10.05.2026.godine, takođe dostavila mišljenje u kojem navode da su dana 10.05.2026.godine održali Zbog građana mjesne zajednice kada su jednoglasno donijeli odluku o odbijanju predmetnog zahtjeva firme BBM d.o.o. Sarajevo. Dalje su izrazili jasan i nedvosmislen stav da su protiv eksploatacije uglja i smatraju da bi takve aktivnosti mogle imati negativne posljedice po sigurnost građana, kvalitet života, putnu infastrukturu i životnu sredinu njihove mjesne zajednice.

Mjesna zajednica Čobe je dostavila Odluku broj 22/26 od 11.05.2026.godine , gdje stoji da je na sjednici održanoj dana 10.05.2026.godine donesena jednoglasna odluka da ne podržavaju koncesiju i eksploataciju rude u rudniku Brezove Dane, čime bi se potvrdila opredjeljenost očuvanja životne sredine i kontinuitet stavova i odluka iz prethodnog perioda koji se odnosi na rudnik.

Mjesna zajednica Novi Šeher je dostavila Zaključak u sa Zbora građana od 09.05.2026.godine gdje je jednoglasno donesena odluka da su protiv davanja saglasnosti za eksploataciju uglja u MZ Brezove Dane

Na osnovu navedenog, odnosno na osnovu stavova i mišljenja Mjesnih zajednica koje gravitiraju području na kojem se nalazi lokalitet uglja u naselju Brezove Dane, i to Mjesne zajednice Novi Šeher, Brezove Dane-Domislica ,Čobe i Kopice, utvrđeno je da ne postoje uslovi da se izda saglasnost za dodjelu koncesionog prostora za eksploataciju mineralnog resursa uglja na lokalitetu Brezove Dane, općina Maglaj, te je Služba pripremila prijedlog Odluke o odbijanju izdavanja prethodne saglasnosti za dodjelu koncesije za eksploataciju mineralnog resursa uglja na lokalitetu Brezove Dane općina Maglaj i predlaže Općinskom vijeću usvajanje iste.

Obrađivač:Saračević Jasminka

Kontrolor: Faris Habibović



PREDLAGAČ
OPĆINSKI NAČELNIK
Maid Suljaković